

(Haitian Creole)

Broward County Public Schools
Program Magnet
2009-2010
(Magnet Programs 2008 -2009)

Yo rekonnèt **Broward County Public School District** (distrik lekòl piblik Brawad Kaounti) kòm youn nan meyè nan nasyon-an pou kalite siperyè ak varyete edikasyon li ofri elèv-li yo. Pwogram espesyalize *Magnet* ofri opsyon edikasyon nan lekòl piblik *Broward County Public Schools*. Malgre kapab gen klas ak pwogram ki sanblab nan kèk lekòl, Pwogram espesyalize *Magnet* atire elèv-yo paske li ofri opòtinite inik ak eksperyans an pwofondè nan domenn espesifik elèv-yo enterese. Chak Pwogram *Magnet* konsantre sou yon sijè patikilye. Objektif-nou se kreye enterè nan edikasyon, selebre divèsite etnik, epi ankouraje pèfòmans elèv.

Pwogram espesyalize *Magnet* ogmante chwa edikasyon pou elèv, pwomouvwa divèsite nan lekòl-nou-yo, fikse objektif pou rannman tout elèv ka amelyore, prepare elèv-yo pou yo ka al kontinye etid-yo epi fè fas ak mache travay, devlope yon milye pozitif nan lekòl-la ki dwe konsantre sitou sou pèfòmans akademik, bay elèv-yo eksperyans reyalye lavi ak eksperyans pratik, ofri opòtinite pou rankontre pwofesyonèl epi fè estaj.

Transpò

(Transportation)

The Broward County School District (Distrik lekòl Brawad Kaounti) ap bay transpò aleritou ant lekòl *Magnet*-yo ak kay elèv-yo. Pou sa, elèv-la dwe abite nan yon kay kote distans ant kay-li e lekòl-la depase 2 mil baze sou zòn transpò ki deziyen-an. Anvan lekòl kòmanse pou ane eskolè-a, elèv-yo ap resevwa nan lapòs orè bis-yo ak kote bis ap tann-yo, lè yon bis ap vin chache yo ak lè bis-la ap mennen-yo tounen lakay-yo.

Pou yon elèv ka asire yon estòp bis depi nan kòmansman ane lekòl-la, admisyon nan pwogram *Magnet* avèk enskripsyon-li dwe fin konplete pa pita pase premye jen 2009.

- Yap bay transpò an konfòmite ak regleman *School Board Policy #5004*.
- Transpò disponnib aleritou pou elèv ki rete plis pase 2 mil distans ak lekòl-yo nan delimitasyon zòn lekòl ak andeyò zòn lekòl, depi elèv-sa-yo nan zòn transpò *Magnet*.
- Kèk elèv nan lekòl ki gen pwogram *Magnet* ap jwenn estasyon bis ki konvnan pou yo.
- Zòn transpò-yo endike ant parantèz sou kote non lekòl-la nan fòmilè aplikasyon-an.
- Gen transpò bis pou elèv ayeskoul ki vle patisipe nan aktivite apre lekòl andeyò pwogram regilye-yo.
- Depatman transpòtasyon *Broward County Public Schools* va voye pa lapòs nan semenn anvan premye jou lekòl orè bis-la pou paran timoun ki enskri nan pwogram-nan.

Magnet Themes

Sijè Pwogram *Magnet*

Elementary (Lekòl Primè) ● *Middle* (Lekòl segondè Midèskoul) ★ *High* (Lekòl segondè Ayeskoul) ▲

***Architecture and Design* (Achitekti ak Desen) ▲**

Pwogram achitekti ak desen pou elèv ki gen dispozisyon pou reyisi nan karyè desen.

***Aviation* (Syans Aviyasyon) ▲**

Pwogram Aviyasyon prepare elèv pou pwogram apre lekòl segondè ki kapab dirije karyè-yo nan divès branch endistri aviyasyon ki enkli pilòt kòmèsyal, mekanisyon sètifye FAA, administrasyon nan aviyasyon avèk plis ankò.

***Business & Entrepreneurship* (Biznis ak devlope espri antreprenè) ▲**

Pwogram-sa-a aprann jan pou ou kòmanse epi opere pwòp biznis pa-ou, jan pou ou lanse pwodi-ou sou mache-a epi konprann planifikasyon finansye, labous (stòk/aksyon) avèk endistri ki opere nan nivo mondyal.

Cambridge Program (Pwogram Cambridge) ▲

Se yon pwogram preparasyon pou inivèsite ki enkli rechèch endepandan, kreyativite nan rezoud pwoblèm, egzamen ekri korije andeyò lekòl-la, opòtinite pou genyen yon diplòm *Cambridge Advanced International Certificate of Education (AICE)* (Sètifika edikasyon entènasyonnal avanse *Cambridge*) epi opòtinite pou genyen kredi pou kolèj.

Center for Literary Arts (Sant pou La literè) ★

Elèv-yo va rankontre epi travay ak otè ki pibliye liv, kreye pwòp piblikasyon literè-yo epi aprann teknik kominikasyon efikas ki esansyèl lè yap pale an piblik, ekri, pibliye, edite epi plis ankò.

Center for Instructional Technology Education (C.I.T.E.) (Sant Edikasyon pou Enstriksyon Teknoloji) ★

Elèv kap patisipe nan pwogram *magnet*-sa-a ap ekspeze diran tout pwogram etid-yo ak pi wo nivo teknoloji entegre. Yap itilize aplikasyon sòfwè/lojisyèl ak materyèl konpitè nan tout matyèdebaz pwogram etid-la, rechèch, liv lekòl ak kominikasyon.

Center for Intellectually Talented Youth (CITY) (Sant pou jenn ki briyan entelektyèlman) ★

Sant pou jenn ki briyan entelektyèlman se yon pwogram ki founi elèv-yo yon anviwonman edikasyon anrichisan ki mete enpòtans sou konnesans. Enstriksyon-an baze sou yon pwogram etid difisil ki itilize plizyè metòd enstriksyon.

Communications/Broadcast Arts (Kominikasyon ak Radyodifizyon) ★ ▲

Elèv ki enterese nan pwodiksyon radyo ak televizyon, nan travay jounalis pou piblikasyon nan journal, medya dijital ak devlope sit wèb, piblisite oswa relasyon piblik ap fè yon chwa ekselan si yo chwazi pwogram-sa-a.

Communications & Languages (Kominikasyon ak Lang) ●

Pwogram-sa-a ofri yon nouvo metòd pou ansèyman ekriti, analiz, ant plizyè disiplin anmenmtan lap entwodi franse, japonè oswa espayòl.

Emerging Computer Technology (Nouvo teknoloji konpitè) ▲

Pwogram-sa-a sèvi ak teknoloji resan nan endistri-a pou etid avanse mikwokonpitè elektwonnik, pou etabli rezo ant konpitè, 3D animasyon, wobòtik, desen grafik ak miltimedya.

Environmental Science (Syans anviwonman) ● ★ ▲

Elèv-yo evalye pwoblèm an rapò ak anviwonman-yo epi yo gen konnesans pouse sou ekosistèm frajil ak eksperyans endistri nan *Florida Everglades*.

Health and Wellness [Sante ak Byennèt fizik (kò)] ★ ▲

Pwogram-sa-a ofri klas espesyalize epi prepare elèv ki vle fè karyè nan medsin espòtif, sèvis sante ak teknoloji an rapò ak sante, nan jimnastik pou kenbe moun anfòm epi nitrisyon.

International Affairs and Business (Relasyon Entènasyonal ak Komès/biznis) ★

Elèv-yo gen opòtinite pou yo vin konpetan nan yon dezyèm lang pandan yap ogmante konnesans-yo nan domenn biznis entènasyonnal ak divès lòt tradisyon/kilti.

International Affairs & Business Technology (Afè Entènasyonnal ak Teknoloji Kòmèsyal) ▲

Konnesans chak elèv ap genyen nan domenn biznis entènasyonal ak tradisyon-yo pral mache ansanm ak klas avanse nan lang etranje, biznis, finans, maketinn ak teknoloji.

International Affairs with Informational Technology (Afè Entènasyonnal ak Teknoloji) ▲

Pwogram-sa-a mete elèv-yo an kominikasyon avèk sa kap pase nan lemond anmenmtan lap sèvi ak teknoloji pi resan. Elèv-yo aprann nouvo tandans nan domenn biznis entènasyonnal ak rezo konpitè.

International Baccalaureate Program IB - (Bakaloreya Entènasyonnal) ★▲

Pwogram Bakaloreya Entènasyonnal se yon pwogram milti disiplinè oryante sou konnesans an jeneral kreye pou satisfè bezwen elèv ki motive anpil epi ki reyisi nan etid-yo.

International Baccalaureate Primary Years Program (Pwogram bakaloreya entènasyonnal pou klas primè) ●

Elèv ki nan pwogram bakaloreya entènasyonnal pou klas primè pral kòmanse ak vèsyon pwogram bakaloreya entènasyonnal depi kindègadenn rive senkyèm ane.

The Latin School (Lise klasik) ▲

Pwogram-sa-a se yon pwogram difisil ki devlope kapasite ak konsèp entelektyèl ki ankouraje yon pèfòmans solid lekòl. Kandida pou pwogram-sa-a dwe ranpli tout kondisyon-yo pou klas onnè, plasman avanse ak klas anwolman doub.

Liberal Arts (Akademi Bèl Lèt) ▲

The Academy of Liberal Arts se yon pwogram etid entènasyonnal estanda pou elèv ki motive anpil epi ki reyisi nan etid-yo.

Marine Environmental Science (Syans anviwonman lanmè) ●

Pwogram-sa-a konsantre sitou sou konpreyansyon ak apresiyasyon anviwonman, prezèvasyon vwa maritim-nou-yo, ekosistèm ak abita.

Marine Science (Syans lanmè) ★▲

Elèv-yo va dekouvri milye mèvèye etid oseyan ak endistri maritime -sou lanmè ak sou tè- nan pwogram syans lanmè. Elèv-yo va patisipe nan yon pwogram etid konsantre sou vwa maritim *South Florida*, sistèm maritim, kòmès ak endistri maritim epi syans oseyan.

Medical Sciences (Syans medikal) ★▲

Yon pwogram difisil pou elèv kap prepare-yo pou pouswiv etid-yo nan medsin, dantis, veterinè, famasi, enfimye/enfimyè.

Microsociety (Mikwo sosyete) ★

Pwogram mikwososyete ofri yon pwogram eskolè orijinal kote elèv-yo kreye yon minyati monn reyèl-la.

Montessori (Pwogram *Montessori*) ●★

Pwogram-lan pwomouvwa endividalite, libète pou chwazi, yon pigran abilte pou rezoud pwoblèm epi devlope konpòtman sosyal kay timoun.

Middle Years Program/International Baccalaureate Program (Pwogram pou midèskoul/Pwogram Bakaloreya Entènasyonnal) ★▲

Yap tabli Pwogram Bakaloreya Entènasyonnal-sa-a depi sizyèm rive dizyèm ane kap kòmanse ak klas estanda nan nivo entènasyonnal pou elèv ki motive anpil epi ki reyisi nan etid-yo.

Performing & Visual Arts (Teyat ak Bèlte vizyèl) ●★▲

Pwogram-nan bay elèv-yo opòtinite pou yo fè eksperyans atistik nan dans, mizik vokal ak mizik enstrimantal, bèlte ak teyat. Elèv kap aplike swa pou pwogram midèskoul swa pou pwogram ayeskoul dwe pwouve yo gen talan oswa prezante yon pòtfolyo pou montre kreyasyon-yo nan domenn bèlte lè yap vini nan odisyon-an. Kandida pou pwogram ayeskoul dwe voye de lèt rekòmandasyon nan lekòl-la.

Pre-Law and Public Affairs (Preparasyon pou etid dwa ak afè piblik) ★▲

Elèv kap konsidere vin avoka, ofisye polis, fonksyonè leta ak plis ankò ka kòmanse prepare bonnè granmèsi pwogram-sa-a ki va ba-yo bon jan eksperyans pratik.

Science, Mathematics & Technology (Syans, Matematik ak Teknoloji) ●

Pwogram syans, matematik ak teknoloji-a bati pou elèv kirye, ki pa pè pati al eksplòre, dekouvri epi chache konnen. Pwogram-lan entegre matematik, syans ak teknoloji nan pwogram etid-lan pou asire yon fondasyon solid pou elèv-yo.

Science/Pre-Engineering (Syans ak preparasyon pou etid enjenyè) ★ ▲

Pwogram akademik avanse-sa-a bon pou elèv kap konsidere etidye jeni, syans, matematik, achitekti oswa teknoloji.

Technical Academies (Akademi Teknik) ▲

Tout elèv va gen opòtinite pran yon sètifika teknik nan pwofesyon yo chwazi-a pami plizyè metye ki fèk parèt pandan yap konplete yon pwogram difisil ayeskoul.

Urban Teacher Academy Program UTAP (Akademi pou pwofesè lavil) ▲

Pwogram **Urban Teacher Academy Program UTAP** se yon pwogram kat ane ki prepare pou elèv ki konsidere yon karyè nan lansèyman. Elèv-yo va patisipe nan sesyon bay konsèy, eksperyans pratik epi yap gen opòtinite pou jwenn bous apre lekòl segondè. Yo gen opòtinite tou pou jwenn yon travay apre nan lekòl piblik *Broward County* lè yo fini kolèj.

Schools & Transportation

Lekòl ak Transpòtasyon

Enfòmasyon sou Admisyon

(Admission Information)

Admisyon nan pwogram *Magnet* lekòl-yo fèt sèlman ak aplikasyon. Dènye jou pou ranpli aplikasyon se **17 fevriye, 2009**. Aplikasyon nou resevwa oswa ki soumèt selon yon mwayen elektwonik apre 17 fevriye 2009 oswa ki gen so lapòs make apre 17 fevriye 2009 ap konsidere selon dat yo rive-a, annatandan plas disponnib. Aplikan yo pa asepte nan pwogram-lan DWE aplike chak ane ankò.

Frè ak sè: Si elèv kap aplike nan pwogram *Magnet* lekòl primè deja genyen yon frè oswa yon sè (demifrè, demisè kap viv nan menm kay ak li) ki prale nan lekòl *Magnet* epi kap kontinye ale nan menm lekòl-la nan ane kap vini-a, yap gen preferans sou lòt aplikan depi gen plas. Frè ak sè, demi-frè, demisè dwe aplike pou lekòl *Magnet* pou yo kapab konsidere aplikasyon-yo.

Aplikasyon-yo dwe depoze pa pita pase 17 fevriye 2009 ki se dènye dat pou frè ak sè benefisye priyorite pou yo ka jwenn preferans sou lòt aplikan depi gen plas.

Ki jan nap notifiye-ou: Tout elèv ki aplike pou pwogram-lan ap resevwa yon lèt pa lapòs ki va enfòmasyon sou admisyon-yo nan pwogram-lan oswa sou refi aplikasyon-yo.

Enskripsyon: Elèv-yo dwe enskri nan lekòl ki gen pwogram *Magnet*-la depi yo resevwa lèt admisyon-yo pou asire plas ak transpò-yo. Delè enskripsyon-an endike nan lèt admisyon-an.

Vizite sit Entènèt, adrès elektwonik www.browardschoolsmagnetprograms.com oswa telefòn nan nimewo (754) 321-2380 pou jwenn yon aplikasyon oswa si ou bezwen yon aplikasyon pou lekòl NOVA, vizite sit Entènèt www.browardschools.com.

Ransèyman sou aplikasyon-an

(Application details)

- Ranpli aplikasyon-an nètale epi retounen-ni nan:
Broward County Public Schools Magnet Programs 600 SE 3rd Ave., 4th Floor, Ft Lauderdale, FL 33301
- Tanpri ranpli tout fòm-nan nètale alaplòm, an lèt detache (toudebò-yo)
- Nou pap verifiye aplikasyon ki enkonplè

- Nou aksepte yon sèl aplikasyon pou chak elèv - nou pap verifye aplikasyon ki an doub
- Elèv kap aplike pou kindègadenn dwe gen 5an rive premye septanm 2009 oswa anvan
- PA fakse aplikasyon-yo.
- Si ou bezwen ou kapab fè kopi aplikasyon-sa-a pou lòt elèv men sonje fè kopi toudebò aplikasyon-an.
- Tout elèv kap aplike pou lekòl segondè (midèleskoul ak ayeskoul) DWE tache ak aplikasyon-an yon kopi aktyèl rezilta egzamen estanda ak dènye kanè eskolè-yo.

Ki jan elèv-yo elijib pou pwogram-nan

(Eligibility)

Pwogram *Magnet*-yo louvri pou tout elèv nan Broward an jeneral depi yo kalifye. Tout elèv ki rezide nan *Broward County* kap rantrè lekòl, depi kindègadenn rive douzyèm ane (K-12), elijib pou aplike pou pwogram-nan. Pou rantrè nan kindègadenn, elèv-yo dwe gen 5 an anvan premye septanm 2009 oswa rive premye septanm.

Elèv-yo dwe montre yo gen bon kondwit. Nan nivo segondè, midèleskoul ak ayeskoul, yo tabli kritè akademik/talan/abilte pou admisyon elèv nan chak Pwogram Magnet kòm mwayen pou ankouraje siksè elèv. *School Board* (Konsèy Edikasyon) pran responsablite pou li enstore yon milye edikatif pou pwomouvwa divèsite pami elèv-yo, tolerans ak san patipri, konsa prensip pozitif yon sosyete demokratik ka ranfòse eksperyans elèv yo ap fè lekòl. Nan lekòl piblik *Broward County*, divèsite vle di rasanble elèv diferan sèks, gason oswa fi, diferan ras ak gwoup etnik, diferan kouch sosyal, elèv ki pale angle kòm yon dezyèm lang, ak elèv ki gen bezwen espesyal epi eksepsyonèl.

Kondisyon akademik pou elèv-la ranpli

(Academic Requirements)

Admisyon yon elèv nan yon Pwogram Magnet lekòl segondè kit midèleskoul kit ayeskoul ka baze sou pèfòmans akademik elèv-la avèk/oswa yon odisyon. Elèv ki nan edikasyon espesyal akòz yon andikap dwe ranpli kondisyon admisyon pou lekòl magnet ki va asire siksè-yo nan pwogram *magnet*. Pou elèv kap aprann angle [*English Language Learners (ELL)*], yo dwe pase egzamen FCAT oswa gen rezilta tès estanda nasyonnal nan lekti ak/oswa matematik epi mwayèn jeneral (GPA) jan sa ekzije kòm kritè admisyon pou pwogram magnet espesifik dapre *Policy 5004*.

Pou tout lòt pwogram midèleskoul ak ayeskoul, gen yon pwosedi revizyon ki tabli pou elèv ki pa ka ranpli kondisyon admisyon-sa-yo:

- *International Baccalaureate, MYP/IB, ak Liberal Arts Programs* (Bakaloreya entènasyonnal MYP/IB ak Pwogram La liberal)
 - Mwayèn jeneral – 3.0
 - Nivo 4 oswa pi wo nan rezilta egzaman FCAT (lekti ak matematik)
- *Latin School ak Science/Pre-Engineering Programs* (Lise klasik ak pwogram syans epi preparasyon pou etid enjenyè)
 - Mwayèn jeneral– 3.0
 - Nivo 3 oswa pi wo nan rezilta egzamen FCAT (lekti ak matematik)
- Tout lòt pwogram magnet lekòl segondè
 - Mwayèn jeneral – 2.0
 - Nivo 3 oswa pi wo nan rezilta egzamen FCAT (lekti ak matematik)

Frè ekolaj (Cost)

Pa gen anyen pou peye pou ale nan Pwogram *Magnet*. Pwogram *Magnet* ofri yon pwogram etid espesifik, teknoloji ak ekipman modèn avèk yon ansèyman san parèy ki pa disponnib nan okenn lòt lekòl. Yo se opsyon edikasyon *Broward County Public Schools* (lekòl piblik Brawad Kaounti) ofri.

Pou pouswiv nan pwogram-nan

(Pwogram Continuity)

Elèv ki satisfè kritè akademik, plasman yo asire nan pwogram-nan pou pwochen nivo ansèyman pwogram *magnet*. Pou elèv-yo egzèsè dwa priyorite-yo, yo dwe swiv pwosedi ki tabli epi respekte dènye dat ki fikse pou aplikasyon-yo. Elèv ki deja nan yon pwogram *magnet* ki vle chanje pwogram pap ka pran avantaj priyorite pou kontinye nan pwogram-nan. Li enpòtan pou chwazi Pwogram Magnet ki bon pou ou. Kifè elèv ak fanmi-yo dwe konsidere yon sijè Pwogram Magnet ki koresponn avèk enterè, talan epi abiltè timoun-yo. Gade ki sa divès lekòl ki gen pwogram Magnet ofri. Tout lekòl ki gen Pwogram *Magnet* kapab pèmèt-ou vizite lekòl-la epi/oswa fikse dat pou vizit lekòl ak oryantasyon fanmi. Pwofite okazyon-sa-yo pou al vizite lekòl-yo epi gade pwogram-yo an pèsonn.

Keksyon yo poze pi souvan

(Frequently Asked Questions)

Si pitit-mwen te deja nan yon pwogram Magnet, èske li bezwen aplike ankò anne-sa-a?

Elèv ki nan senkyèm anne ak uityèm anne dwe aplike pou pwogram magnet nivo midèsleksoul ak nivo ayeskoul. Men elèv ki nan Pwogram Magnet kounye-a pa bezwen aplike ankò pou yo rete nan lekòl yo ye-a.

Si pitit-mwen deja prale nan yon Pwogram Magnet nan yon lòt kaounti (*county*) epi nou bwote, èske lap transfere otomatikman nan Pwogram Magnet *Broward County*?

Non, wap bezwen ranpli yon aplikasyon pou enskri pitit-ou nan Pwogram Magnet *Broward County*. Si gen plas toujou epi si pitit-ou ranpli kondisyon e pou akademik e pou talan/abiltè, kondisyon ki tabli pou elèv nivo segondè, yo ka asepte-l nan Pwogram Magnet.

Si pitit-mwen deja nan yon Pwogram *Magnet* epi li aplike pou yon lòt pwogram Magnet, èske yap asepte li otomatikman nan nouvo pwogram li aplike pou li a?

Non. Men si pitit-ou nan yon pwogram Magnet epi li aplike pou yon pwogram klas segondè (midèsleksoul oswa ayeskoul) nan menm sijè-a, si li depoze aplikasyon-li nan dat ki fikse-a, epi li satisfè kritè akademik lap gen priyorite pou jwenn yon plas. Si yon elèv chwazi yon lòt sijè nan pwogram Magnet, yo PAP ba-li priyorite plasman nan pwogram-lan. Si elèv-la vle chanje pwogram Magnet nan mitan anne-a, li dwe satisfè kritè admisyon, epi dwe gen plas toujou nan Pwogram li vle ale-a. Pa gen transfè otomatik.

Èske mwen ka remèt konseye lekòl pitit-mwen (*guidance counselor*) aplikasyon mwen ranpli pou pitit-mwen epi mande l pou li voye aplikasyon-an nan Biwo *Magnet Programs Office*?

Non, se responsablite PA-OU pou asire ou mete lapòs aplikasyon pitit-ou pou biwo *Magnet Programs Office* oswa soumèt aplikasyon-ou nan Entènèt pa pita pase 17 fevriye 2009.

Kijan epi kilè map fè konnen si pitit-mwen asepte nan yon lekòl ki gen pwogram *Magnet*?

Si ou depoze aplikasyon-ou 17 fevriye oswa anvan, nap voye ba-ou yon lèt notifikasyon pou pita anvan premye Me. Aplikasyon nou resevwa apre 17 fevriye ap konsidere selon dat yo rive-a. Si yo pa aksepte pitit-ou nan pwogram-lan anne-sa-a, ou dwe aplike ankò anne pwochen.

Si yo pa asepte pitit-mwen nan lekòl Magnet li chwazi “an premye”, ki jan mwen kapab aktive dezyèm chwa pou lekòl ak Pwogram Magnet?

Pran kontak ak Biwo Pwogram Magnet-*Magnet Programs Office* epi mande pou yo aktive “dezyèm chwa” pou pwogram magnet nan lekòl pitit-ou chwazi sou fòm-nan.

Si yo pa aksepte pitit-mwen nan pwogram-lan, èske li ka fè apèl desizyon-an?

Dapre *Magnet Policy 5004, rule 5E* (Regleman 5004 Magnet, seksyon 5 E), aplikan ki pa satisfè kritè admisyon pou pwogram-lan va gen opòtinite pou fè apèl desizyon-an.

Nap envite-ou nan Ekspozisyon
Mèkredi 3 desanm, 5-9 pm
Broward County Convention Center
1950 Eisenhower Blvd.
Fort Lauderdale, FL

Lekòl Magnet... Vin vizite-nou!

(Magnet Schools ... Visit us!)

Jou ak dat lekòl ki gen pwogram Magnet louvri pou vizit epi oryantasyon
(Open Houses)

Apati mwa janvyè 2009, vizit lekòl-yo ak oryantasyon ap kòmanse depi setè nan aswè (7:00pm) esepite si yo make yon lòt lè.

Madi, 6 janvyè
New River Middle

Mèkredi 14 janvyè
Attucks Middle

Jedi 22 janvyè
Miramar High
South Plantation High
Fort Lauderdale High
6:00pm Walker Elem

Mèkredi 28 janvyè
6pm Northeast High
6:30pm Dillard High
*Emerging Computer
Technology*
5:00pm Riverland Elem
6:30pm North
Andrews Garden Elem
North Fork Elem

Mèkredi, 7 janvyè
Lauderdale Lakes Middle
Crystal Lake Middle

Jedi 15 janvyè
Parkway Middle
Deerfield Beach Middle

Vandredi 23 janv
9:30am Virginia Shuman
Young Elem

Vandredi 16 janvyè
McNicol Middle

Samdi 24 janvyè
Dillard High *Performing &
Visual Arts*

Jedi 29 janvyè
Stranahan High
6:30pm Atlantic
Tech. High
Hallandale High
Bethune Elem
6pm Colbert Elem
6pm Broward
Estates Elem
Charles Drew El

Jedi, 8 janvyè
Sunrise Middle
6:00 pm William Dandy Middle

Madi, 20 janvyè
Boyd Anderson High - IB

Lendi 26 janvyè
5:00 pm Pompano Beach High

Madi 13 janvyè
Driftwood Middle
6:30pm Pompano Beach Middle

Mèkredi 21 janvyè
South Broward High
Deerfield Beach High
Watkins Elem

Madi 27 janvyè
6:00pm Sanders Park Elem
Deerfield Park Elem
Wilton Manors Elem
McFatter High
Blanche Ely High

The School Board of Broward County, Florida

Robin Bartleman, Chair • Maurice S. Dinnen, Vice Chair • Beverly A. Gallagher • Jennifer Leonard Gottlieb • Phyllis C. Hope • Stephanie Arma Kraft • Robert D. Parks, Ed.D • Eleanor Sobel • Benjamin J. Williams • James F. Notter, Superintendent of Schools

The School Board of Broward County, Florida, entèdi tout lwa oswa pwosede ki ka anjandre diskriminasyon baze sou laj, koulè po, andikap, swa se fi oswa gason, orijin nasyonnal, si moun-nan marye oswa pa marye, ras, relijyon oswa sou preferans seksyèl. Moun ki vle pote plent kont diskriminasyon ak/oswa arasman kapab rele *Director of Equal Educational Opportunities* nan nimewo telefòn 754-321-2150 oswa Teletype Machine TTY nan nimewo 754-321-2158. Dapre lwa *Americans with Disabilities Act* (ADA), nenpòt moun ak andikap ki bezwen aranjman espesyal ka telefonnen depatman *Equal Education Opportunities* (EEO) nan nimewo telefòn 754-321-2150 oswa Teletype Machine TTY 754-321-2158.